



UNIVERSITÄTS-
BIBLIOTHEK
PADERBORN

**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

xxviii La vie de s. Moyse Anachorete, Confesseur.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

de Bonne trente six ans, l'an de nostre Seigneur quatre cens trente trois, selon saint Prosper, disciple de saint Augustin, & de 430. selon le Cardinal Baronius, sous Theodose le ieune, & Valentinian.

Le pauvre seruiteur de Iesus-Christ ne fit point de testament: car il n'auoit rien dequoy disposer: il fut enterre en l'Eglise saint Estienne ne qu'il auoit fondee, il laissa l'Eglise bien fournie de Clergé, & les Monasteres remplis d'hommes & de filles: il se trouua à sept Conciles qui furent assemblez de son temps en Afrique, & les soussigna tous. Apres son decceds, le 14. mois du siege, la ville de Bonne fut prise, & destruite par les Vandales: Les Chrestiens emporterent le corps de saint Augustin, sa croisse & sa mitre dans l'Isle de Sardaigne, de laquelle par succession de temps les Sarazins se rendirent les maistres. Luitprand Roy des Lombards racheta chèrement d'eux, son corps saint, & le fit porter à Pautie, où il fut honorablement inhumé en vne Eglise qu'il fit bastir, nommee *Cella aurea*. Le Martyrologe Romain fait mention de ceste translation le 28. de Feurier, où il est à present en vn double Monastere de Religieux de s^o Ordre, en vne partie duquel (qui est cōme vn Monastere à part) sont les Peres Hermites de saint Augustin, & l'autre costé est habité par des Chanoines reguliers, lesquels chantent tous ensemble en la mesme Eglise l'Office diuin, les vns & les autres Religieux desirans, comme enfans legitimes, iouyr de ce precieux thresor, & honorer leur bien heureux Pere. Du temps que S. Augustin decceda on assemblea vn Concile d'Ephece, auquel l'empereur Theodose le ieune comuoit le saint Docteur, neantmoins le Saint trespassa auant que les lettres fussent apportees: on n'escriit point que saint Augustin ait fait en sa vie plusieurs grands miracles, sinon que luy-mesme estoit vn tres grand miracle & prodige diuin: Posidone dit seulement, que quelques fois estant Prestre, & depuis qu'il fut Euesque, on le pria de faire oraison pour des inspirez, & que pendant qu'il y vacquoit, les larmes aux yeux, les diables sortirent, & laisserent les corps deslutez. Il escriit aussi que saint Augustin estât vne fois malade au lit, on luy amena vn malade pour le guarir, mettans ses mains sur luy: à quoy il respondit que s'il pouoit guarir quelqu'vn il eut commencé par soy-mesme, mais qu'il n'auoit pas tant de merites que de pouoir guarir personne: neantmoins ayant sceu que ce malade estoit venu vers luy par la permission diuine, il mit la main sur sa teste, & il fut aussi-tost guaruy. Outre les Papes & Conciles cy-dessus citez, qui parlent avec honneur de saint Augustin, il y a encore quatre autres Papes, Martin, Gelaſe, Leon & Boniface VIII. & les cinq, six & septiesme Synodes. Faut prendre garde qu'entre les Sermons de saint Ambroise, il s'en trouue vn qui parle du Baptisme de saint Augustin, c'est le 29. lequel à trompé plusieurs personnes, pensans qu'il fust véritablement de S. Ambroise, ores que ce soit vne piece de quel que

homme de loisir (pour me dire menteur) qui a voulu donner cours à ses faulsetez, sous le nom d'vn si bon Auteur, ainsi que le Cardinal Baronius l'a euidemment prouue en ses Annales.

LA VIE DE SAINT
Moyse Anachorete, Confesseur.



Vtre le saint Moyse Anachorete & Euesque, duquel nous auons eserit la vie le 27. Feurier, il y eut vn autre saint Moyse aussi Anachorete, non moins admirable, duquel il m'a semblé à propos d'eserire icy la vie, parce qu'aucuns n'en font qu'vn des deux. Le Martyrologe Romain & les autres font mention du premier Euesque des Sarrazins, & de l'autre qui ne fut qu'Anachorete, es iours déjà dits: joint que ceste vie nous apprendra à ne nous mesier de la grace de Dieu, quand nous verrons vn pecheur estrené qui court à bride abbatuë, comme vn cheual farouche, & les saints exercices que doit pratiquer celuy qui se veut retirer de ce mauuais estat, & surmonter la tyrannie de sa chair.

Palade a eserit ceste vie en son histoire Lausique, & Nicephore Calixte en 11. li. chap. 36. de son Histoire. Moyse estoit natif d'Ethiopie, negre comme ceux de Monicogue, il fut esclau d'vn Seigneur, & Gouverneur de la Republique, lequel chassa Moyse de sa maison: à cause de ses larcins & homicides. Pour dérober plus aisément, il deuint Capitaine d'vne bade de voleurs: l'on raconte que cōme il vouloit vn iour tuer vn Berger, qui l'auoit empesché de faire vn vol nuictamment, scachant que ce Berger estoit de l'autre costé du fleue du Nil, qui estoit large d'vne demie-lieuë, il se despoüilla, & mit ses habits sur sa teste, & son espée entre ses dents, & passa la riuere à nage pour aller chercher ce Pasteur, qui gardoit son troupeau dans son parc: le Berger qui le veid de loing se mussa, & Moyse ne l'ayat peu trouuer tua quatre de ses meilleurs moutons, & les attacha à vne corde, & repassa la riuere, les trainans apres soy: il les escorcha, mangea la chair, & en vendit les peaux, & baila les issuës pour du vin qu'il beut, puis s'en retourna où estoient les autres l'arrons de sa troupe. Moyse doncques menant vne vie si desesperée, nostre Seigneur le regarda d'enhaut de ses yeux pitoyables, & penetra ce ceur tenebreux des rayos de sa lumiere l'amollissant & eschauffant des flammes de son amour diuin: il se changea tellemēt, que de larron il deuint Religieux, & celuy qui auparauant faisoit perdre la vie aux autres, offrit la sienne en sacrifice à N. S. & de piege de Sathan deuint vn exemple de Religion & penitence. Estant vne fois enfermé dans sa Celle, il y suruint quatre voleurs qui auoient esté ses compagnons, pour le piller, sans scauoir que ce fust luy: ils se ruerēt sur Moyse, mais il leur fit reste, & les bouleuerſa & garotta cōme quatre botaux de paille, & les porta sur ses espaules

28.
Aov. dans l'Eglise, où les autres Religieux estoient assemblez: il les leur presenta ainsi liez, & leur dit: Mes peres, ie ne sçauois plus faire de mal à personne, neantmoins ces voleurs m'ayans ataqué ie les ay empoignez & fagotez, comme vous voyez que ie les vous presente, pour sçauoir ce qu'il vous plaist que ie face deux: quand ces voleurs recogneurent que c'estoit Moÿse, cét insigne brigad leur Capitaine, & qu'il auoit depose sa mauuaise vie, pour se reueilir du sac de la penitence, & se conuertir entierement à Dieu: le mesme Seigneur leur toucha le cœur, & les conuia tellemēt à le suiure, qu'ils demanderent l'habit de Religieux, & deuidrent parfaits, finissans leurs iours saintement dans le Monastere.

Mais Moÿse venant du monde, accoustumē aux vices, & inueterēés turpitudes & malices, il eut de grandes difficultez à vaincre ses mauuaises habitudes, & des-ourdir la toile de sa pernicieuse vie qu'il auoit tramee par tant d'ānees; le diable qui ne dort iamais veilloit tousiours pour luy faire la guerre: il le pressoit le iour, & l'affligeoit la nuit de diuerses tentations, qui estoient si terribles, qu'il s'en fallust peu qu'il ne succombast & retournast arriere, se laissant vaincre & supporter: mais nostre Seigneur le fauorisa, & il se seruit des moyens que ie diray.

Premierement, par le conseil des Peres spirituels fort saints & experimētez, ausquels il decourrit ses tentations & combats, il print des armes pour se deffendre: il y auoit entr'autres vn Isidore, homme tres-parfait, qui l'aduertit de ne se pas estonner si la chair & sa mauuaise habitude de suiure ses appetits, luy liuroient vne si forte guerre: car quād vn chien de boucherie, trouue des os à ronger, on ne l'en sçauroit chasser: mais quand on luy ferme la porte, & qu'il n'y trouue plus d'appast, il s'en va de luy mesme. Le diable en vse ainsi à l'ēdroit des pecheurs qui se retirent du monde dans la Religion: pendant qu'il trouue à mordre sur eux, il les assiege & offense: mais quād on luy ferme l'entree il va chercher party ailleurs: & qu'il faut dissiper peu à peu la mauuaise coustume par les bōnes mœurs, ainsi qu'un clou chasse l'autre, faut que le ieuf ne & la penitence ostent à la chair les os avec lesquels elle se substantive comme vn chien, & le bois au feu qui en nourrit la flamme.

Moÿse suiuaust ceste doctrine du saint Pere Isidore, resolut de se seruir du second moyen, d'affliger sa chair par les ieufnes: à ceste fin il s'ēferma dans sa Celle, & ne māgeoit par iour que douze onces de pain tout sec, qui estoit vne rude abstinence à proportion de son grand corps, & travailloit beaucoup: faisoit oraison cinquante fois le iour, pour se debilitier, affoiblir, & subpediter vn si cruel ennemy domestique: neantmoins Moÿse estoit si robuste & habitué au mal, que le diable allumoit aisēment le feu qui brusloit sa poitrine, l'incitant à de facheux songes, où la chair contribuait beaucoup. Afin de le vaincre & supplanter, il va d'un troisieme remede, qui fut de se tenir toute la nuit debout,

28.
Aov. sans s'agenouiller, ny s'appuyer de peur de dormir: il passa six ans en sa Celle, sans dormir la nuit qu'il demeroit en oraison, & au bout de tout cela il ne peut effacer les tentations de la sensualité: pour nous apprendre combien il est difficile d'arracher vne habitude vicieuse de l'ame, & que la chasteté est vn don de Dieu, lequel permet souuent ces luittes & combats, afin qu'avec le travail & la peine que l'homme prend à resister aux mauuais appetits, il purge les goults venimeux & delicieux, desquels il s'est autrefois repeu.

Les moyens pratiquez par Moÿse estans demeurez sās effet il en chercha vn autre pour s'affoiblir dauantage: il y auoit de vieux Moynes mattez qui ne pouuoient aller querir de l'eau, qui estoit esloignee de leurs Celles de deux ou trois lieues: Moÿse pour les soulager & deliurer de ce travail, alloit secretemēt (sans que pas vn s'en apperceust) leur querir leurs provisions d'eau, remplissant leurs cruches avec vne grāde charité, & force, & diligence. Tādīs qu'il s'occupoit à cēt exercice, aduint que le diable qui ne pouuoit supporter sa vertu & perseuerance au bien, le rencontra la nuit près d'un puits où il emplissoit la cruche d'un Moÿne, luy donna vne si grād coup qu'il le renuersa par terre esuanoüy, & à demy mort. Il demeura en cer estat iusques au lendemain, qu'un autre Moÿne qui venoit puiser de l'eau, le trouua palme, & tranli, dont il aduertit l'Abbē S. Isidore, lequel vint avec d'autres Religieux, & le porta en l'Eglise: Moÿse demeura vn an entier si estourdy de ce coup, qu'il ne pouuoit se remettre. Isidore l'admonesta qu'il se moderast en ceste luitte contre le diable, ne combattant pas avec luy par forme de deffi: car la force doit estre reglee & mesuree, l'ō fait souuent plus avec la patiece & confiance en Dieu, que par la force & pouuoir de nos bras; Moÿse luy respondit qu'il ne cesseroit de guerroyer iusqu'à ce qu'il eust estouffē ces mauuais songes: le S. Abbē Isidore luy repliqua, Au nom de N. S. I. Christ, cessez car vous n'en ferez doresnauāt plus persecuté. Vous pouuez approcher seuremēt de l'autel, & receuoir le tres saint Sacrement de I. C. qui vous a voulu esprouuer si long-temps, & en vn si rude combat pour vous humilier, & aduertir que vous n'auiez pas surmōté ceste passio par vostre travail & valeur, ce qui vous eust peut-estre causē de la vaine gloire. Cela resioit le cœur de Moÿse voyāt la repēte appaiee, les vents calmes, & les vagues qui le troubloient, aplanis: il demeura en paix avec vne telle autorité sur les demons, qu'il en faisoit moins de cas que des mouches: ce fut vndes plus excellens Moynes de son temps. Il deceda estant Prestre aagé de 85. ans, ainsi que dit Nicephore, ou de 65. comme dit Palade, laissant vn pareil nombre de disciples imitateurs de sa sainteté & vertu.

Le Martyrologe Romain fait mention de ce S. moÿse, & le Cardinal baroniusen ses Annotat. le 28. d'ouust. Palade & Nicephore escriuent sa vie ainsi que no^o auōs dit & qu'elle est icy rapportee